

XIX асрнинг ўрталаридан бошлаб Чор Россияси Туркистонни забт этиб, махаллий аҳолини зулм остида ушлаб келарди. Туркистонликлар кўтарган бир неча кўзгolonлар аёвсизларча бостирилган, жуда кўп кон тўкилган эди.

I Жахон уруши ва ўша даврдаги сиёсий воқеалар Чор Россияси хукмронлиги дарз кетаётганини кўрсатиб кўйди. 1917 йил феввалида ўлкага Николай тахтдан воз кечганмиш, янги хукумат урушни тўхтатармиш деган хабарлар кела бошлади.

Кахрамонимиз нима бўлдию, Бешболалик Ота-бой гиштчининг мулла Сулаймон деган махрами билан гап талашиб колди ва унга бир-икки шапати кўйиб юборди. Отабой гиштчи бу шапатини ўзининг бетига тушгандай газабланиб кахрамонимиз устидан тухмат ва бўхтонлар ташкиллаб Сибирнинг Нерчинск деган жойига 14 йилга каматтириб юборди. Мадаминбек Сибирда ок-корани таниди. Рус сиёсий махбусларидан империядаги сиёсий вазият, урушда Россия кўраётган катта талофатлар, инкилобчилар мақсад ва ниятларини сўраб ўрганди. У русча ўқиш, гапиришни, хатто француз тилини тушунадиган бўлди. У сургундалигида хам беш вақт намозини, Рамазон ойида рўзасини ҳеч канда килмади.

1917 йил бахорида Николай II тахтдан туширилгач, янги тузилган Муваққат хукумат сургундагиларни авф этди. Мадаминбек Маргилонга кайтиб келади.

Алгов-далгов замонлар бошланиб кетган, вақтли хукумат деганлари жамиятда тартиб-интизомни саклашга ожизлик килиб колган эди. Илгари шунчаки ёпик турадиган дўконлар ва хонадон эшикларига катта-катта кулфлар тушган, шунга карамай ўгрилик, боскинчилик авж олган эди.

Мадаминбек бу воқеаларга локайд караб тура олмади. У ўзига ўхшаш имонли, инсоф-диёнатли йигитларни йигиб, махалла хонадонларини жинойтчилардан химоя килишга киришди.

1918 йил бошларида бир тўда боскинчилар Маргилонда анчагина кўзга кўринган Абдураззок закончини сўйиб кетишди. Мадаминбек ўз йигитлари билан бу ўта хавфли жинойтчилар тўдасини кўлга олиб, жазолади. Кейинчалик у Абдураззок закончининг кизига совчи жўнатади. Бой-бадавлат хонадонлардан устма-уст келаётган совчиларга рози бўлмаётган Саодатхоннинг волидаси кутилмаганда бек совчиларига ок ўратиб юборди.

Мадаминбекўз назоратига олган худудда тартиб-интизом ўрнатилиб, аҳоли тинч хаёт тарзига кайтади. Кеч кузда Маргилонга янги бир хабар етиб келди: ок подшо ўрнига келган хукуматни большевойлар ағдарибди, улар барча ерларда ўз хукуматларини тузиб, хукмларини ўтказаётган эмиш. Вақтли хукуматни ағдариб хокимиятни ўз кўлига олган Ленин бошлик большевойлар оддий халкни ўз томонига огдириб олиш учун дархол урушни тўхтатиш, сулх тузиш, ерни камбагалларга таксимлаб, очарчиликни тугатиш масалалари хакида карорлар эълон килди. Энг асосийси хамма миллатларнинг тенг хукуклилигини (бу карор коғозда колиб кетган) эълон килиниши жуда кўпчиликини чалгиттан. Лениннинг хар бир халк ва элат ўз истаганидек давлат тузишга, ўз урф-одат ва анъаналарига биноан яшашига тўла хақки борлигини эълон килиши хам эркпарвар туркистонликлар калбида умид учкунларини ёкди.

Мадаминбек кўплар катори янги хокимият миллат манфаатлари учун хизмат килади деб

ишониб, унинг таркибида ишлашга рози бўлади. У 1917 йил охиридан Маргилон милицияси бошлиги сифатида ишлай бошлади. Айтиш чогда «Шўрои Исломия» жамияти фаоллари каторида бўлган.

Вазиятга бошка кўз билан карайдиган бўлсак, чор хокимияти даврида хокимият 100 фоиз руслар кўлида бўлган. Негадир халқпарвар большевойлар ҳам хокимиятга келганда Туркистон хукуматида битта ҳам мусулмон вакилига «жой топилмади». 1917 йил 15 ноябркуни большевиклар ташаббуси билан Тошкентда янги давлат ташкил этилиб (Туркистон Автоном Совет Республикаси-ТАСР), унинг 15 та рахбари «сайланди». Янги давлат рахбарларининг барчаси русийзабон аҳоли вакиллари бўлиб чиқди.

Бундай адолатсизликка рози бўлмаган миллатпарвар кучлар, 1917 йилнинг 26-28 ноябр кунлари Кўконда йигилиш ўтказиб Туркистон Мухториятини тузганликларини (Ленин томонидан эълон қилинган қарорларга мувофиқ!) эълон қилдилар. Барча янги тузилган мухториятни кутлаб, табрик телеграммаларини жўната бошлаганда, тили бошкаю дили бошка Ленин ўлкадаги ўз вакилларига Туркистон Мухториятини керак бўлса, қурол кучи билан йўқ қилиш ҳақида телеграмма жўнатади. 1918 йил 14 февралда ТАСР хукумати Фаргона вилоятини камал ҳолатида деб эълон қилади. Совет хокимияти Фаргона водийсига бутун кучларини тўплай бошлайди. Бундай шароитда Туркистон Мухторияти рахбарияти асосий эътиборини очарчиликни тугатиш, саноат ва кишлок хўжалигини тиклашга қаратган. Кўкон Мухторияти ўртадаги тушунмовчиликни (ахир, бир неча ой олдин Лениннинг ўзи халқларга ўз тақдирларини ўзлари белгилашга тўла ҳаққи бор, деб қарор эълон қилган эди) тинч йўл билан бартараф этишга уринган. Аммо 72 кун яшаган мухторият қизил армия кучи билан тугатилди. Унинг омон қолган харбий қисмлари миллий-озодлик кўшинларига қўшилиб кетди.

Бу вақтда Мадаминбек Маргилонда эди. Рафикаси Абдурахмон закончининг кизи ўзбек хотин-қизларига хос энг яхши феъл-атвор эгаси эди. Мадаминбек бундай оқила умри йўлдош бергани учун Яратганга тинмай дуо қилар, инсонларга қилган барча яхшиликлари эвазига уни ўзига берилган бир туфха деб биларди.

Мадаминбек кичикрок бир савдо дўкончаси очиб, тинч ҳаёт кечиришни режа-лаштирар, ўзининг 40 нафар қуролдош йигитларини яқин қунларда уйларига қайтаришни ўйлаётган эди. Аммо охириги қунларда большевиклар олиб бораётган сиёсат барча режаларни бузиб ташлади. У ўз йигитлари билан милиция марказидаги қуролларнинг барчасини олиб истиклолчилик ҳаракатига қўшилиб, ҳақиқий босмачилар - қизилларга қарши қурашни бошлаб юборди. Бир қуни у ўз йигитлари билан Маргилонга бостириб кириб, тинч аҳолини отиб, қиличдан ўтказётган арман дашноқлари устига қўққисдан ҳужум қилиб барчасини кириб ташлайди. Мадаминбек галабасини эшитиб водийнинг турли бурчакларидан унга ёрдам истаб чопарлар кела бошлайди. Табиийки, қахрамонимиз уларга ёрдамга ошиқади.

Чор Россияси даврида Туркистонга қўчириб келтирилган рус мужиклари ҳам большевик хокимиятидан норози эдилар. Советлар уларнинг ерлари ва мол-мулкларини давлат ихтиёрига тортиб олаётган, қаршилик қўрсатганларни эса отиб ташлаётган эди.

Мадаминбек «Рус дехкон армияси» кўмондони генерал Монстров билан яширин алоқа ўрнатиб, биргаликда ҳаракат қилиш ҳақида келишиб олади.

Мохир саркарда эканини қиска вақтда ишотлаган Мадаминбек ҳузурига Англия хукумати ёрдам таклиф қилиб элчи жўнатади. Урал ва Сибирда қизил армияга қарши қурашаётган Қолчак эса 2 та рус ва 2 та инглиз генералларини унинг ҳузурига ёрдамга юборади. Бундан ташқари Туркия ва Германиядан ҳам ёрдам таклифлари кела бошлади.

Афсус ва надоматлар бўлсинки, четэлликлар Мадаминбек шахсиятида кўра олган етакчилик ва саркардалик салохиятини Кўкон атрофида Катта Эргаш бошчилигида харакат килаётган кўрбошилар кўра ол-мадилар. Улар Мадаминбекнинг бутун кучларни бирлаштириш таклифига рози бўлмадилар.

Мадаминбек махаллий бойлар воситачилигида Англия, Германия ва Туркиядан курол-яроқлар сотиб олиб, кўл остидагиларни яхшироқ куроллантира бошлади. Мадаминбекнинг Туркистонда харакат килаётган озодлик кучлари рахбарларидан устивор томони шу эдики, унинг харбий штабида ўқимишли, сиёсатни тушунадиган рус ва инглиз офицерлари бор эди. Улар Россия ва унинг атрофидаги воқеаларни синчиклаб кузатиб, ўрганиб борар ва бу ҳақда Мадаминбекка зарур маълумотларни беришарди. Ишончли ва зарур маълумотларга эга бўлган Мадаминбек уларни ўзича тахлил этар ва аник вазиятни ҳисобга олган ҳолда тегишли бир тўхтамга келарди.

Архив маълумотларида кўрсатилишича, у Скобелев (ҳозирги Фаргона шахри), Наманган, Андижон, Ўш кўрбошиларини бирлаштириб 25 минг кишилик армияга кўмондонлик килган.

Совет кўмондонлиги Мадаминбек билан водийда қандай жанг қилишни режалаштираётганда, у ўз йигитлари билан русларнинг асосий истехкоми, Скобелев шахрига, 1919 йил бошида тўсатдан бостириб қиради. Кўча жангарида русларни мағлуб этгач, шахар турмасига ҳужум қилиб, 200 дан зиёд сафдошларини ва рус офицерларини озод этадилар.

Истиклолчилик харакати кўшинлари қиска вақт ичида Ўш, Андижон, Маргилон, Кува, Жалолобод ва бошқа йирик шахарларни ўз назоратига олади. Ўш озод этилгач, Мадаминбек халқ олдида генерал Монстров ва Алексеевларнинг елкаларига кўлини кўйиб жуда чиройли калблар тубидан ўрин оладиган, самимий бир нутқ сўзлайди. Уни Ўш ахли куйидагича таърифлаган: «У ўрта бўйли, тўладан келган, кизил юзли, чараклаб турган қора кўзли, жуда хотиржам гапирадиган киши эди. Унинг унча ўсмаган сочлари устига қийган Маргилон дўпписи ҳам, қилич ва наганини елкасидан белига қараб тортилган тасмаси ҳам, қолаверса, шойи бел-боғи ҳам ўзига жуда ярашикли эди». 1919 йил сентябр оғи ўрталарида Маргилонда Ислом кўшинлари ва «Рус дехкон армияси» рахбарларининг бирлашган қурултойи бўлди. Қурултой Мадаминбекнинг салохиятли амир ал-муслимин эканини яна бир бор эътироф этиб, унинг Фаргона водийсида қинакам адолатли, меҳнатқашпарвар мусулмон ҳукумати тузиш тўғрисидаги дастурини маъқуллади. Қурултойда ўлкада Таъсис Мажлиси (парламент) қақриб, тенг ва эркин сайловлар асосида қонуний ҳукумат тузиш масаласи ҳам муҳокама қилинди. Бу ҳукуматдаги жойларнинг 2/3 қисми ерли аҳоли вақилларига, қолган бир қисми русийзабон халқ вақилларига ажратилиши назарда тутилган эди.

Жангу-жадаллар билан банд бўлган Мадаминбек севикли ёри Саодатхон билан қам кўришарди. Мадаминбек билан бу аёл анчагина машаққатлар чеккан. Саодатхон опа назарида ўзининг беги (у Мадаминбекка «бегим» деб мурожаат этарди) улуг ишлар билан бандлиги, миллат севгиси унинг бошқа хис-туйғуларидан устивор турганидан сира ҳам ҳафа бўлмас, аксинча, бу билан гурурланиб юрар, ўзи ҳам янги бир олам кишиси бўлиб бораётганидан мамнунлигини яшира олмас эди.

Туркистон қоризмнинг муҳим қом-ашё базаси эди. Ленин ва унинг сафдошларининг қаттиқ эътиқодича, Туркистонда Совет ҳокимиятини ўрнатиш Хитой ва Хиндистон қаби йирик давлатларга «инқилобни» экспорт қилиш имқониятини тугдирарди. Шунинг учун ҳам большевиклар Туркистонни қўлдан қикаришни истамас эдилар.

Иккиюзламачи Ленин 1918 йил бошида Туркистон ахлига ўзлари истаганларидек давлат тузиш ҳукуки берилишини эълон қилиб, ўша йилнинг сентябр ойида Турккомиссия номи остида фавқулодда ваколатларга эга коммунистлар гуруҳини Тошкентга йўллаган. Уларга Туркистонда большевик тузумни қандай қилиб бўлмасин сақлаб қолиш ва қучайтириш вазифасини юклаган эди. Айнан шу комиссия қарори билан Туркистон Мухторияти тугатилган, мусулмонларга қарши «қизил террор» сиёсати ишга солинган эди. Бу сиёсат қурбони бир неча юз минг киши бўлди.

Россиянинг марказий вилоятларида фуқаролар уруши большевикларга Урта Осиёда ҳокимиятни қўлга олишга имкон бермаган. 1920 йилга келиб «оқ армия» қўшинлари мағлуб этилиб, асосий қучлар Туркистонга йўналтирилди. Қирғизистонда тугилиб ўсган Фрунзе бу қўшин қўмондонлигини қайтадан ўз қўлига олади. Янги ва урушларда чиниккан қучлар етиб келиши билан истиклолчилик ҳаракати аъзоларига қарши қураш анча кескин тус олади.

Кечагина Осиё халқларига ўз давлатини тузишга руҳсат берган Ленин иккиюзламачилик қилиб биринчи имконият пайдо бўлиши биланок Туркистонда ҳокимиятни қўлга олиш ишини бошлади. Қизил армия нафакат Фарғона мухтор давлатини, балки Бухоро амирлиги ва Хива хонлигини ҳам тугатган.

Мадаминбек тузган давлат ўша даврдаги қўплаб Осиё мамлакатлари каби диний давлат бўлмай, диний ва миллий анъаналаримиз қадрланадиган дунёвий давлат эди. Фарғона водийсига Хитой, Англия, Эрон, Туркия ва АКШдан элчи ва вакиллар келиб ўз давлатларининг ёрдамларини таклиф этган эди.

Мустақилликка эришгач, ноҳақ қораланган ота-боболаримизни халқимизга танитиш имконияти пайдо бўлди. Советлар бу йўлдаги фаолиятларини 80 йиллар охиригача давом эттирдилар. Хатто, «Узбекфильм» киностудияси «босмачилар» тўғрисида шунчалик хўп фильм суратга олганки, собиқ Иттифокда «Басмач-фильм» деган ном билан танилиб қолган.

Англиядан чиққан Робин Гуд номи бир қарокчи ҳақида бир қанча фильм суратга олинган. Корея киночиларига тан берасан киши, «Денгиз ҳукмдори», «Сўнгги қиролича» ва «Жумонг» сериаллари орқали ўз тарихларини дунёга танитмоқда. Бизлар ҳақиқий юрт ўғлонлари ҳақида бадиий фильм олиб, чиройли тарзда ўз халқимизга танитсак, кўчада ўйнаётган болаларимиз пешонасига латта боғлаб корейлик қаҳрамонларга эмас, белига белбоғ боғлаб Амир Темур, Мадаминбек, Намоз Пирумкуловларга таклид қилган бўларди.

Жамшид КОМИЛОВ